

河南通志

河南通志卷之六十

人物四

汝寧府

漢周燕字少卿安成人宣帝時爲郡決曹掾太守欲枉殺囚燕諫不從囚家守闕稱冤詔遣覆考燕見太守曰願謹定文書皆著燕名府君但言時病未視乃收燕繫獄不食而死五子子輿重合令子羽櫟陽令子仲東海太守子明兗州刺史子良潁陽令時號五龍翟方進字子威上蔡人少孤給事太守府爲掾吏所詈辱廼西至京師從博士受穀梁春秋以射策甲科爲郎累遷丞相司直永始中爲相以儒術緣飭法律

號通明相封高陵侯卒諡恭侯

戴遵字子高慎陽人家富好施豪俠尙氣食客常數百人時爲語曰關東大豪戴子高平帝時爲侍御史葬篡位稱病歸

周嘉字惠文安成人燕四世孫仕郡爲主簿王莽末賊入汝陽嘉從太守何敞討賊白刃交集嘉獨以身扞敞後舉孝廉拜尙書郎光武問以遭難之事稱爲長者遷零陵太守視事七年卒零陵頌其遺愛吏民爲之立祠

郭憲字子橫汝南人王莽篡位拜憲郎中賜以衣服憲受衣焚之逃於東海光武卽位徵拜博士建武七

年代張堪爲光祿勳車駕西征隗囂憲諫曰東方初
定車駕未可遠征乃當車拔佩刀斷鞬帝不從遂進
幸上邽其後潁川盜起河東兵亦叛京師騷動帝聞
之曰悔不用郭子橫之言後患匈奴數犯塞帝召百
僚廷議憲以爲天下疲敝不宜動衆力爭不合乃伏
地稱眩瞽不復言帝令兩郎扶下殿憲亦不拜帝曰
嘗聞關東觥觥郭子橫不虛也憲遂以病辭退卒於
家所著有濁冥記四卷拾遺一卷又見方伎志

郅惲字君章西平人舉孝廉爲上東門侯光武嘗出
獵夜還惲拒關不納乃從東中門入明日惲上書諫
奏入賜布百疋貶東中門侯爲參封尉後授皇太子

韓詩侍講殿中遷長沙太守著書八篇以病卒

到壽字伯孝西平人惲子舉孝廉爲冀州刺史時冀部屬郡多封諸王賓客放縱壽案察之無所貸於是藩國畏懼並爲搏節視事三年冀土肅清遷京兆尹三輔素聞壽在冀治行皆震竦各相檢飭莫敢犯壽雖威嚴而推誠下吏皆願效死莫有欺者官至尙書僕射

袁安字邵公汝陽人從祖良傳孟氏易爲人嚴重有威見敬于州里永平初舉孝廉累遷楚郡太守時楚王英謀爲逆辭連數千人明帝怒甚下吏索急迫痛自誣死者甚衆安到郡不入府先往案獄理其無驗

者條上出之府丞掾史皆爭以爲不可安曰如有不合太守自當坐之不相及也遂分別具奏帝感悟卽報許得出者四百餘家久之徵爲河南尹政號嚴明然未嘗以贓罪鞫人章帝時爲司空和帝卽位竇憲威盛安以外戚擅權每朝會進見與公卿言國家事未嘗不喑鳴流涕天子大臣皆恃賴之仕終司徒

袁敞字叔平汝陽人安次子少傳易以父任爲太子舍人和帝時歷位將軍大夫侍中出爲東郡太守徵拜太僕光祿勳元初三年代劉愷爲司空明年坐子與尙書郎張俊交通漏洩省中語策免敞廉勁不阿權貴失鄧太后旨遂自殺俊自獄中上書白其冤朝

廷由此薄敞之罪而隱其死以三公禮葬之復其官子盱仕至光祿勳

袁彭字伯楚汝陽人安孫少傳家學歷廣漢南陽太守順帝初爲光祿勳行至清爲吏粗袍糲食終於議郎尙書胡廣等追表其有清潔之美比前朝貢禹第五倫未蒙顯贈當時朝野皆爲嗟嘆

周舉字宣光汝陽人防後博學洽聞爲儒者所宗舉茂材爲平邱令上書言時政辭甚切直稍遷并州刺史太原舊俗以介子推故禁火每冬中輒一月寒食老幼不堪歲多死者舉到州作弔書置十推廟言盛冬去火殘損民命非賢者意復宣示愚民使還溫食

於是眾咸遂釋風俗頗革陽嘉中拜諫議大夫與杜
喬等分察郡邑得失天下號曰八俊未幾徵爲大鴻
臚晉光祿勳卒詔賜錢十萬以旌委蛇素絲之節
袁湯字仲河汝陽人彭弟少傳家學諸儒稱其節多
歷顯位桓帝初爲司空以豫議定策封安國亭侯食
邑五百戶累遷司徒太尉以災異免卒諡康侯湯四
子長子平平弟成左中郎將成弟逢逢弟隗皆爲三
公

張邵字元伯汝南人少游太學與山陽范式爲友比
告歸式謂邵曰後二年當過拜尊親及期邵白母具
鷄黍待之已而式果至升堂拜母盡歡而別邵死見

夢於式曰吾以謀日死示以葬期邀與一會式卽素服往會葬比至而喪已發引及壙柩不肯前式旣至柩乃起世謂之死友

郭亮字恒直朗陵人遊學洛陽爲李固弟子會固以名德被梁冀誣陷暴尸于四衢令有敢臨者加其罪時亮始成童乃左提章鉞右秉鈇鉞詣闕上書乞收固屍不報與董班俱往臨哭守喪不去梁太后憐之乃聽襁斂歸葬亮由此顯名

黃憲字叔度慎陽人世貧賤父爲牛醫時同郡戴良才高倨傲見憲未嘗不正容及歸惘然如有所失其母問曰汝復從牛醫兒來耶對曰良不見叔度不肖

以爲不及及觀其人則瞻之在前忽然在後固難得而測矣陳蕃周舉嘗相謂曰時日之間不見黃生則鄙吝之心復萌憲初舉孝廉又辟公府俱不就年四十八卒天下號曰徵君

范滂字孟博汝南人少厲清節爲州里所服舉孝廉時冀州饑荒盜賊羣起詔滂使案察之滂登車攬轡慨然有澄清天下之志及至州境守令自知贓污望風解印綬去建寧中坐黨錮捕滂等甚急督郵吳導抱詔書閉傳舍伏牀而泣滂聞之曰必爲我也卽自詣獄縣令郭揖大驚解印綬欲與俱亡滂曰滂死禍塞何敢以罪累君又令老母流離乎其母就與之訣

曰汝今與李林齊名死亦何恨既有令名復求壽考
可得兼乎滂跪受教再拜而辭顧謂其子曰吾欲使
汝爲惡則惡不可爲使汝爲善則我不爲惡行路聞
之莫不流涕

周乘字子居安成人舉孝廉爲太山太守有惠政乘
高峙岳立非陳蕃黃憲之儔不與交蕃嘗嘆曰周子
居真治國之器辟諸寶劍則世之干將

李咸字元貞汝南人累仕州郡以廉幹知名在朝清
忠權幸憚之熹平初爲太尉以剛直見稱于時

袁忠字正甫汝陽人彭孫初平中爲沛相以清亮稱
後棄官避地會稽及孫權破會稽忠浮海南投交趾

避之獻帝都許徵爲衛尉未至卒子秘見忠烈志
郭憲西平人建安中署郡功曹韓約失衆從羌中還
依憲衆欲取約以邀功憲曰人窮來歸我云何厄之
後約病死田樂等就斬約首獻之曹操欲條疏憲名
憲不肯操嘆其忠義併與樂等賜爵關內侯

袁紹字本初汝陽人湯孫有姿貌威容愛養名士旣
累世台司賓客所歸皆傾心折節莫不爭赴其庭中
平間爲左軍校尉累遷渤海太守封邠鄉侯建安初
拜大將軍兼督冀青幽并四州及討曹操不克軍潰
疾作卒

三國許靖字文休平輿人少與從弟劭俱知名有人倫

鑒舉孝廉除尙書郎靈帝崩董卓秉政靖避地交州
劉璋在蜀招致爲巴郡太守昭烈帝克蜀以靖爲左
將軍長史及帝卽位累遷至司徒靖雖年逾七十愛
樂人物誘納後進不倦章武二年卒

費禪字文禪鄆人遊學入蜀會昭烈帝定蜀禪遂留
益土與許叔龍董允齊名後主踐位爲黃門侍郎丞
相亮南征還以禪爲昭信校尉使吳孫權每有論難
禪辭順義篤據理以答終不爲屈權甚器之後代蔣
琬爲尙書令封成鄉侯禪當國功名畧與琬比延禧
中爲降人郭循所害諡敬侯子承嗣爲黃門侍郎
張通汝南人仕蜀漢爲殿中督炎興初後主東遷洛

陽時擾攘倉卒蜀之大臣無翼從者惟通與郤正捨妻子單身隨侍時論嘉之

和洽字陽士西平人舉孝廉仕魏爲侍中累遷光祿勳明帝卽位封西陵侯轉太常清貧守約至賣田宅以自給帝聞之加賜穀帛卒諡簡侯子適才爽開濟有父風官至吏部尙書

陳化字元耀汝南人博覽衆書氣幹剛毅雅有威容仕吳爲郎中令使魏不辱命拜犍爲太守遷太常兼尙書令正色立朝勸子弟廢田業絕治產不與百姓爭利妻早亡不復娶年七十乞骸骨歸卒

呂範字子衡汝南人少爲縣吏從孫策攻討有功拜

裨將軍領彭澤太守遷平南將軍屯柴桑權都武昌
拜建威將軍領丹陽太守治建業仕至揚州牧

呂據字世議汝南人範之子以父任爲郎遷安軍中
郎將數討山賊深惡劇地所擊皆破還拜偏將軍遷
越騎校尉太元初大風江溢漸淹城門吳主權使視
水見其取大船以備害嘉之拜盪魏將軍尋遷驃騎
將軍後以左右勸降魏遂自殺

晉周浚字開林安成人性果烈以才理見知不應州郡
辟後仕晉累遷御史中丞拜揚州刺史隨王渾伐吳
吳平封成武侯移鎮秣陵尋代王渾爲使持節都督
揚州諸軍事安東將軍卒于任

周子龍宣安成人後從弟父蕤安平太守

友人族公簡憲名起家爲諸王文學累遷吏部

遷身精密論望益美轉御史中丞惠帝幸鄴以製

河南尹及還都出爲平東將軍都督揚州諸軍事與

周圯等討陳無滅之以功封永寧伯子二密字泰元

性虛靜時人稱爲清士位至尙書郎矯字正元亦有

才幹

和矯字景與西平人洽孫少有風格厚自崇重起家

太子舍人屢遷顯川太守爲政清簡甚得百姓歡心

庾顗見而嘆曰嶠森森如千丈松施之大厦必有棟

梁之用武帝時入爲黃門侍郎遷中書令帝深器遇

之終太子太傅卒贈金紫光祿大夫諡曰簡從子濟
位至中書郎

畢卓字茂世新蔡人少希放達大興末爲吏部郎常
飲酒廢職及過江爲溫嶠平南長史與阮孚等爲人
達

周嵩字仲智安成人浚次子元帝朝累遷御史中丞
時帝以王敦勢盛漸疎忌王導等嵩上書諫之帝感
悟故導等獲全嵩兄顗旣爲敦所害敦使人弔嵩嵩
曰亡兄天下有義人爲天下無義人所殺復何所弔
敦甚啣之乃密使妖人李脫誣嵩及周筵潛相署置
遂遇害